

## IXLIAKTUM IXCARTA SAN JUAN

*Jesús Ixmásuy Dios níma māstá lipaxau latámāt*

<sup>1</sup> Chí camán calitachihuinanán amá tí huanicán Ixtachihuín o Ixmásuy Dios níma māstá lipaxáu latámāt. Xlá ixlamajá acxni tlahuaca jaé cäquilhtamacú y lata tú anán, pero chí cmälacnuyáu xlacata aquín clikaxmatnítáu quintakencán y clicxilhnítáu quilakastapucán pues cacxilhnítáu ixtascújut y pihuá ixmacni quimacancán clitoklhñítáu. <sup>2</sup> Jaé ixmāstaná lipaxau latámāt acxni milh quincalimälacahuaniyán ixtascújut aquin clakapasui y huá xlacata tlän cmälulokáu xlacata cacxilhnítáu. Cmäkahuaniyán ixtachihuín y clacasquináu huixín ná ixlakapástit amá lipaxáu latámāt níma tlän nalipaxahuayáu canicxnihuá quilhtamacú. Xlá pula ixtálama Ixtícu Dios pero acxni ácchälh quilhtamacú tapálajli y milh quincatasiniyán. <sup>3</sup> Chí tlän ccälitachihuinanán lata tú cacxilhnítáu y ckaxmatnítáu nac ixlatámāt xlacata lakxtum naquilitapaxahuayáu ná la aquín ctapaxahuamanáu Quinticucán Dios y Ixkuahuasa Jesucristo. <sup>4</sup> Chuná namá ccatzokniyán jaé talacapastacni xlacata huixín ná tlän namaklhcatziyatit nac milatamätcán amá lanca tapaxahuán níma aquín ckalhiyáu.

*Dios lacasquín calatamáu nac ixtaxkáket*

<sup>5</sup> Huá jaé ixtachihuín níma Jesucristo quincamásinín y chí ccalítachihuínamán: Dios la taxkáket tú quincalakaskoyulínán nac quilatamatcán y nac ixlatámät nítú huí capaklhtutá. <sup>6</sup> Para huanáu lipahuanáu Dios y xlá quincatalamán pero latiyá lamanáu nac capaklhtutá latámät akskahuiimanáu lata tú quilhuamánau y tú tlahuamánau. <sup>7</sup> Pero para aquín lamanáu la ixtalacasquín Dios nac ixtaxkáket la xlá lama entonces quincakaxmatán y acxtum tälamanáu y ixbalhni Ixkuhua Jesucristo naquincaxapaniyán huak quintalakalhíncán.

<sup>8</sup> Para aquín huanáu ni kalhiyáu talakalhín quicstucán takskahuimanáu y ni matlaniyáu tú huan Dios quilacatacán. <sup>9</sup> Pero para litayayáu quinkasatcán ixlacatín Dios y tlán lipahuanáu xlacata xlá naquincamatzankenaniyán y naquincaxapaniyán huak quintalakalhíncán porque xlá snun talipáu la ama mäkantaxtí huak tú malacnunit y catzí xlacata huí tí xokonanit quilacatacán. <sup>10</sup> Pero para lactlancanáu huanáu nícxni tú liaktzankayáu y ni kalhiyáu talakalhín entonces tlahuayáu xlacata Dios camilh litamakxtaka la chatum akskahuiná y aquín la nítú cacmatláníu ixtachihuín.

## 2

### *Cristo tí quincalacatityayáyán ixlacatín Dios*

<sup>1</sup> Huixín tí ccalímacanán la quincamán, ccätzokniyán jaé takalhchihuín porque ni clacasquín näktzankayátit tlahuayátit talakalhín,

pero para huí tí chatum huixn tzactnn tlahua talkalhn, n catzonksuu xlacata nac ixpxtn Quinticucn Dios kalhiyu chatum t tlan naquincalacatitayayn, y jae quilacatitayanacn Quimpuchinacn Jesucristo y xl staranca kalh ixtalacapstacni. <sup>2</sup> Dios llhcanit xlacata xl naxokonn huk quintalkalhncn nma tlahanju y cacatzitit xlacata n huatiy aqun chu quincalakmaxtuyn sino laa huk cristianos t natalipahuan ixlitilanca caquiltamac.

<sup>3</sup> Para aqun paxquiyu t Dios quincalimpaksiyn nac quilatamatcn cacatzitit xlacata macchaninitu lakapasu ixtalacapstacni nac caquiltamac. <sup>4</sup> Pero para chatum cristiano huan: “Aquit clakapasa ixtalacapstacni”, pero nac ixlatmat n kaxmata t limpaksin quitaxt jae chixcu n paxqui ixtachihun chta akskuhinn y n limacuan ixtachihun. <sup>5</sup> Porque huata t makantaxt ixtachihun hu nama t xlicana macchani paxqui Dios y huata chun tlan catziyu malakxtuminitu quintalacapstacni con ixtalacapstacni Dios. <sup>6</sup> Y para t huan xlacata lipaxahu ixtapaxqun Dios nac ixlatmat tamaclacasquin namakslihuek latam la Jesucristo tilatmalh.

### *T paxqui ixtacristiano nac taxkket lama*

<sup>7</sup> Litacn, laa jae t ccatzoknimn n la xassti ixtalacasqun Dios calimacapit, huixn xl kalhiytit makn y jae limpaksin maklhuhuat kaxpatnitntit. <sup>8</sup> Pero masqui chun jae t ccatzoknimn xlicana min quitaxt

la aktum lipaxáu limapaksín tú chali chalí naliſastinátit nac milatamātcán, y Cristo chú quincamásinín nac ixlatámāt, porque acxni lapaxquiyáu chatum chatum laclakó capaklhtutá ní xactlahuamanáu y tzucú tasí amá lən ixtaxkáket Dios nac quilatamātcán.

<sup>9</sup> Huá xlacata para huí tí huan: “Aquit clamajá ní huí namá tlan taxkáket”, pero ní acxilhputún ixtacristiano entonces jaé chixcú min quitaxtuní la calatamālhcu nac capaklhtutá latámāt. <sup>10</sup> Para tí tlan catzí, paxquí ixtacristiano tí tälama entonces xlícaná lama nac lən ixtaxkáket Dios y nítu huí tú liakchakxa o matlahuí talakalhín. <sup>11</sup> Pero amá tí ní acxilhputún ixtacristiano y huák lakcatzaní min litamakxtaka la nícxni calakápasli Dios y lapulajcú nac capaklhtutá latámāt y ní catzí tucuyá tijia chipanit porque capaklhtutá lakatzín tlahuaniit.

<sup>12</sup> Aquit ccätzoknaniyán huixín tí ccalimacán la xlícaná quincamán porque ccatzí Dios camātzankenaniñitán huák mintalałkalhincán caj xlacata xokónalh Cristo. <sup>13</sup> Ná ccätzoknaniyán huixín lakkolún porque ccatzí la mákachakxinítantit ixtalacapastaciñi namá tlan chixcú tí ixlamajá lata tilacatzúcuh jaé caquiltamacú. Ná chuná ccätzoknaniyán huák huixín lakkahuasán y lactzumaján porque cacxilhnít la makatajanítantit ixtalacapastaciñi tlajaná.

Aquit ccätzoknaninitán huixín camán porque macchipininitantit lakapasátit ixtalacapastaciñi Quinticucán Dios. <sup>14</sup> Ná ccätzoknaninitán huixín lakkolún porque lakapasnítántit y lipahuanítantit tí xlá ixlamajá acxni tilacatzúcuh

jaé caq̄uilhtamacú. Na cc̄atzoknaninítán huixín lakkahuasán porque laccamama y c̄anajlanítantit ixtachihuín Dios ixlihuák minacujcán; y na chuná quila makapaxahuayáu porque lakmakampánántit laclíxcájnit ixtapuhuán tlajaná.

<sup>15</sup> Ni snun calacputzátit kalhiyátit tú mālacnú jaé caq̄uilhtamacú, ni para tú namákstokátit juú; para huí tí huata lacapastaca o paxquí lata tú huí nac jaé caq̄uilhtamacú quítaxtú la calakmákalh ixtapaxquín Dios y na chuná tú lacaſquín. <sup>16</sup> Porque huák lata tú ni tlān litlahuaputu y lilakátit njima mālacnú caq̄uilhtamacú ni Dios limapaksinán sino que pihuá ixkasatcán tí talamána nac caq̄uilhtamacú tamatlahuinán: para tākhuhuiyatit acxni ni tlān tú tasquín mimacnicán, para huák kalhiputunátit tú acxilátit, para lilactlancanátit tú kalhiyátit, y huá jaé lata huák talacapastacni njima māstá ni tlān ixkásat caq̄uilhtamacú. <sup>17</sup> Lata tú huí nac jaé caq̄uilhtamacú huak ama talaksputa, na chuná lata huák ixtalakatincán tí talamána nac jaé caq̄uilhtamacú natatitaxtukó; pero para tí tlahuá ixtalacasquín Dios njicxni catitaláksputli ixtapaxahuán la natálatamá ipxpaxtún Dios huák naminachá quilhtamacú.

### *Talacapastacni njima taralacataquí Jesús*

<sup>18</sup> Litacamán, acchántahuacanít quilhtamacú la huixín kaxpatnítántit xlacata ama lactaxtú chātum akskahuiná chixcú tí ama taralacataquí Cristo; pues como chí talakahuanít lhuhua akskahuinanín mākalhtahuakenanín tí

tataralacataquí Cristo tamapalaja ixtalacapastacni por eso chí tlān catziyáu xlacata acchānittá quilhtamacú. <sup>19</sup> Makapitzi jaé lacchixcuhuín nā ixquincatatalakxtumiyán pero ixcatzicán tatampúxtulh porque xlacán njcxni ixtacanajlá tú canajlayáu aquín. Para xlacán ixquincatalatamapútulh nī ixtatitáxtulh, pero chū quítáxtulh xlacata tancs natasí lā nī chātum xlacán tí takalhí ixtalacapastacnicán lā aquín.

<sup>20</sup> Pero huixín nī chuná porque Cristo camaxquinitán Espíritu Santo y huá xlacata huāk huixín makachakxiyátit ixtalacapastacni. <sup>21</sup> Ccatzoknanimán porque ccatzí lā xlīcana lakapasátit y paxquiyátit ixtachihuín Dios y chuná huāk laclixcānjit tapuhuán huixín laki makampañantit, y huixín catziyátit xlacata aktum takskahuín njcxni lā tāmalacastuccán con ixtakalhchihuín Dios.

<sup>22</sup> ¿Y ticus namá xapuxcu akskahuiná? Chí camán ccāhuaniyán: lītanú xapuxcu akskahuiná amá tí huan xlacata Jesús nī huá Cristo tí milh quincalakmāxtuyán. Y huāk amá tí chuná jaé talacpuhuán huá namá cristianos tí tataralacataquí Cristo pues acxtum talakmakán lā Dios Xatīcú lā Ixkahuasa. <sup>23</sup> Huāk amá tí laki makán ixtalacapastacni Ixkahuasa Dios min quítaxtú nā lā calakmákalh ixtalacapastacni Ixtīcú porque acxtum takalhí talacapastacni; y chuná lītum amá tí lipāhuán Jesucristo nā chuná lipāhuán Ixtīcú Dios.

<sup>24</sup> Huá xlacata nī calimakxtáktit lipāhuanátit amá tancs talacapastacni njmā kaxpáttit lāta xapulh, y para nī līmakxtakátit lipāhuanátit amá tancs ixtalacapastacni Dios njmā kaxpáttit

la<sup>ta</sup> xapulh siempre acxtum pat maklhcatziyátit la<sup>ta</sup> Dios Xatícú la<sup>ta</sup> Ixkahuasa Jesucristo tamán cátalatamayán nac milatamatcán. <sup>25</sup> Porque pihuá Cristo tí chuná quincamálacnuninítán xlacata catíhuá tí nalipáhuán lipaxáu ama talatamá canícxnihuá quilhtamacú.

<sup>26</sup> Aquit ccätzoknaninítán y ccállichihuinanít amá aksahuinanín lacchixcuhuín tí tunu talacapastacni cámásiniputunán. <sup>27</sup> Pero aquit ccatzí xlacata huixín kalhiyátit namá akskalhíná Espíritu Santo njmá Jesucristo cámacamáxquín chatunu huixín xlacata nacámaxquiyán tancs talacapastacni, y chuná huixín yaj maclacasquinátit xlacata nacanajlayátit tunu tachihuín njmá namín cákshahuiyán porque pihuá Ixespíritu Jesús cámäcxatziniyán nac mintalacapastacnicán huak tú milicatzitcán, y tú masí huak xlicana porque xlá ni lá aksahuinán. Y aquit ccáhuaniyán cakaxpatnítit tú cámásiniputunán Espíritu Santo y ni nalimakxtakátit tancs lipáhuanátit y talatapayátit Cristo nac milatamatcán.

<sup>28</sup> Huixín tí ccalakcatzanán la<sup>ta</sup> xlicana quincamán, tancs ccahuaniparayán ni calimakxtáktit acxtum ta<sup>la</sup>latapayátit Cristo nac milatamatcán xlacata acxni xlá namín ixlimaktuy ni huí tú nalimaxananátit ixlacatín. <sup>29</sup> Para huixín catziyátit xlacata Quimpuchinacán Jesucristo siempre tlán catzí y tlahuaputún tú tlán na milicatzitcán xlacata huata tí na tlán cristiano huamputún y tlahuaputún tú tlán Dios limanú la<sup>ta</sup> ixkahuasa.

## 3

*¿Ticu Dios calímacán la xlicana ixcamán?*

<sup>1</sup> Cäcxíltit la Quinticucán Dios snun quincälakalhamanán que hasta tlän litapacuhuiyáu la xlicana ixcamán, y ni chuta litapacuhuiyáu porque xlicana ixcamán Dios aquín. Pero tí xalá cäquilhtamacú ni lá tamäkachakxinjít la quitaxtú pero chú quitaxtú porque xlacán nícxni talakapasnít lanca ixtalakalhamán Dios. <sup>2</sup> Litäcamán, mäsqui tancs catziyáu xlacata aquín litanunitahuá ixcamán Dios, ya tancs catziyáu la nakalhiyáu quintalacahuancán nac akapún, huata catziyáu xlacata acxni Quimpuchinacán Jesucristo namín ixlimaktuy amán tapalajáu xlacata natasiyáu la xlá tasí porque tancs näcxiláu la tasí. <sup>3</sup> Y huäk aquín tí acxilhlacachämanáu amá quilhtamacú acxni Dios naquincämäkantaxtiniyán jaé tapaxahuán nä quililacputzatcán la nalakmakanáu huäk tú ni quincamaktayayán tancs latamayáu y mäkantaxtiyáu ixtalacasquín Dios nä la Quimpuchinacán Jesucristo mäkantáxtih nac ixlatámät.

<sup>4</sup> Huäk amá tí ni limakxtakputún tlahuá taläkalhín tarälacataquí ixtalacasquín Dios porque para chäatum lakatí tlahuá taläkalhín quitaxtú la ni camäkantaxtipútulh ixlimäpaksín Dios. <sup>5</sup> Y huixín nä catziyátit xlacata Quimpuchinacán Jesucristo milh juú cäquilhtamacú caj naquincäxapaniyán huäk quintaläkalhincán mäsqui xlá nícxni litánulh tlahuá ni para aktum taläkalhín. <sup>6</sup> Por eso

amá tí limakxtaka Cristo namapaksinán nac ixlatámat quitaxtú yaj limakxtakma tí namatlahuí talakalhín; pero amá tí latiyá tlahuaputún talakalhín namá nicxni mákachakxínit ixtalacapastacni Dios ni para lakapasnít ixlitlihueke.

<sup>7</sup> Litacamán, ni calitamakxtáktit nacakskahuicanátit porque aquit ccahuaniyán, amá tí siempre lakatí tlahuá tú tlan nac ixlatámat limalacahuañinán la stalanca talacapastacni kalhí, na chuná la lilakapasnítau stalanca ixtalacapastacni Cristo. <sup>8</sup> Pero amá tí ni limakxtakputún tlahuá talakalhín quitaxtú namá cristiano chipanít ixtijia tlajaná porque tlajaná lata makán quilhtamacú nicxni limakxtakpútulh tlahuá talakalhín. Pero huá límilh Ixkahuasa Dios xlacata natatalacastuca y nalactlahuaní ixlitlihueke tlajaná nimá ixquincalimakatlajayán.

<sup>9</sup> Ni huí tí litanú xlicana ixkahuasa Dios y latiyá latamaputún nac talakalhín porque tí Dios limanú ixkahuasa na maxquí aktum tunu latámat y chuná jaé yaj lakatí tlahuá talakalhín porque chí litanuñit ixkahuasa Dios. <sup>10</sup> Ni tuhua nacalakapasátit ticu ixcamán Dios y takalhí ixtalacapastacni, y ticu takalhí ixtalacapastacni tlajaná, porque para tí ni paxquí ixtacristiano y ni tlahaní litlán ¿niculá tlan nalitanú ixkahuasa Dios?

### *Quilalipaxquitcán chatum chátum*

<sup>11</sup> Huixín catziyátit amá aktum ixtalacasquín Dios nimá kaxpatnítántit lata makassá xlacata quilalipaxquitcán chatum chátum. <sup>12</sup> Nicxni camakslihuekéu amá xamakán chixcú ixuanicán

Caín porque xlá makatlájálh ixtalacapastacni tlanjaná y huá xlacata límáknílh ixtacám. ¿Y tucu xlacata límáknílh? Porque tú ixtlahuá Caín siempre con lixcájnít talacapastacni y tú ixtlahuá ixtacám Abel huák ixtaŋaní ixtalacapastacni Dios.

**13** Lítacamán, lacchixcuhuín xala jaé caqUILhtamacú nacalakmakanán pero nítú calipúhuanti porque tiene que natatlahuá.

**14** Aquín catziyáu xlacata taxtuninítáu amá nac xatijia línín níma chen nac pulaktzankán y chí yanáu amá nac xatijia lipaxáu latámat tú Dios mástá, y tancs catziyáu xlacata chú quítaxtunit nac quilatamatcán porque chí capaxquiyáu huák quintacristianoscán. Amá tí ní paxqui ixtacristiano latiyá tlahuán nac xatijia línín. **15** Huák amá tí ní acxilhputún ixtacristiano min litamakxtaka la chatum makníná y chatum makníná ¿niculá tlán nakalhí namá lipaxáu latámat tú Dios mástá?

**16** Quimpuchinacán Jesucristo quincamásinín la xlicana quilalipaxquítcán chatum chatum acxni macamástah ixlatámat caj quilacatacán y lacasquín ná chuná namá aquín nalapaxquiyáu y para tamaclacasquiní ná tlán namastayáu quilatamatcán caj xlacatacán quintacamcán.

**17** Para tí huák kahí tú nalilatamá chali chalí y acxila huí tí tú tzankaní y ní maktayá, ¿niculá puhuán xlacata kahí ixtapaxquín Dios nac ixnacú? **18** Lítacamán, xlicana calapaxquítit chatum chatum ní caj chuta calalihuanítit porque para ixlihuák quinacujcán lapaxquiyáu natasí la namakantaxtiyáu nac quilatamatcán y nalamaktayayáu.

*Tí tlān kalhí līcamama ixlacatín Dios*

<sup>19</sup> Y para aquín chuná jaé latamayáu tlān catziyáu xlacata Dios māpaksinán nac quilatamatcán y chuná nakalhiyáu līcamama nac ixlacatín. <sup>20</sup> Pero para quinacujcán quincāmalaksiyán y nī staccatzán acxni catzí huí tú nī tlān tlahuaniyáu nī lá aksahuiyáu, nā chuná Dios tí huāk quincālakapasniyán quinacujcán, y xlá huāk acxcatzikó. <sup>21</sup> Pero lītacamán, más tlān acxni quinacujcán nītú quincāmalaksiyán porque acxni lihua tlān kalhtahuakaniyáu Dios, <sup>22</sup> y xlá naquincāmaxquiyán huāk tú maksquináu porque kaxmatniyáu tú līmapaksinán y makantaxtiyáu ixtapuhuán nac caquilhtamacú. <sup>23</sup> Y amá ixlimapaksín nima más lacasquín nakaxmatáu chuné huan xlacata ixlihuāk quinacujcán nalipahuanáu ixtachihuín Ixkahuasa Jesucristo y huāk calapaxquiú chātum chātum la xlá quincālīmapaksín natlahuayáu. <sup>24</sup> Huāk amá tí takaxmata jaé ixtalacasquín la camālakxtúmilh ixtalacapastaci con ixtalacapastaci Dios, y xlá nā chuná; y catziyáu xlacata Dios lama nac quinacujcán porque chuná quincāmācxatzinjiyán Espíritu Santo tí macāmilh Dios naquincākskalhiyán.

## 4

*Tí talitanú talichuinán Dios pero tākskahuinán*

<sup>1</sup> Lītacamán tí ccalakcatzanán, nī huak cacanajlanítit tí tahuán talichihuinán ixtalacapastaci Dios, sino pula cacalīcxlíhtit para talacapastaci nīmā tamásí xlicána Dios

camaxquinit o caj ixacstucán talacsacxtunít porque talactaxtunít nac caquilhtamacú lhuhua aksahuinanín mäkalhtahuakeñanín tí tahuán talichihuinán ixtapuhuán Dios. <sup>2</sup> Aquit camán cahuaniyán la tlän nacalakapasátit acxni ni takskahuinán y takalhí tancs ixtalacapastaci Dios: huata amá tí matläní xlacata Jesucristo tapálajli y la chatum xlícaná chixcú lakahuanit caquilhtamacú Dios maxquinit ixtalacapastaci. <sup>3</sup> Pero amá tí ni canajlaputún chuná ixlatamäntí Jesús ni lá kalhí ixtapuhuán Ixespíritu Dios. Cacatzítit xlacata tí tunu talacapastaci màsiputún namá kalhí xtapuhuán amá xapuxcu ixtarälacataquíná Cristo tí kaxpatnítantit ama chín astán, pues ixtalacapastaci amá lixcájnít chixcú makapitzi lacchixcuahuín tachipanít chí.

<sup>4</sup> Huixín tí la xlícaná quincamancán ccalakcatzanán, ¿huanchi natatlajiyátit? Dios calacsacnítán y camaxquinitán ixtapuhuán la nacamakatlajayátit amá aksahuinanín lacchixcuahuín. Amá Espíritu Santo nimá camapuhuaniyán tú nahuanátit màs kalhí litlihueke ixtalacapastaci que tí mapuhuaniñán talacapastaci tú xala jaé caquilhtamacú. <sup>5</sup> Xlacán huata talichihuinán tú tacxilhnít xala jaé caquilhtamacú y tí takaxmata talakatí ixtachihuincán porque na xala caquilhtamacú ixtalacapastacnicán. <sup>6</sup> Pero aquín ixcamán Dios y kalhiyáu ixtapuhuán y huák tí tamäkachakxinít ixtalacapastaci huá jaé tí quincákaxmatán, pero amá tí ni tamatläní la Dios mapaksinamputún nac ixlatamatcán huá amá tí ni quincákaxmatán. Chuná jaé

nalilakapasáu para aktum talacapastacni t̄aniní tancs ixtalacapastacni Dios, o para caj t̄ksanín tú masicán.

*Dios acxni tú lacapastacnán siempre con tapaxquín*

<sup>7</sup> Litacamán, ni calimakxtakui l̄apaxquiyáu ixlihuák quinacujcán porque chuná makslihuekeyáu Dios y xlá acxni tú lacapastacnán siempre con tapaxquín. Amá tí kalhí ixtapaxquín Dios nac ixnacú l̄itanunít ixkahuasa Dios y makachakxinit ixtapuhuán. <sup>8</sup> Amá tí ni kalhí ixtapaxquín Dios nac ixlatámat quitaxtú ni makachakxinit ixtapuhuán porque Dios acxni tú lacapastacnán huák con tapaxquín. <sup>9</sup> Y Dios l̄imalacahuañinalh la ixlilanca ixkalhí ixtapaxquín acxni ni para lakcátzalh Ixkahuasa y macámilh caquilhtamacú naní quilacatacán xlacata nakalhiyáu amá lipaxáu latámat tú amán talipaxahuayáu canicxnihuá quilhtamacú. <sup>10</sup> ¿Nicu l̄ilacahuañanáu tí xlicana paxquinít ixtacristiano la mininí? Pues hasta ni para tí aquín paxquiyáu Dios la quincaminiñiyán; pero Dios xlícaná quincapaxquiyán y huá xlacata l̄imacámilh Ixkahuasa caquilhtamacú xlacata naquincalakapuxokoyán huák quintalakalhíncán.

<sup>11</sup> Litacamán, para chuná quincalakalhamanán y quincapaxquiyán Dios, quitaxtú na quila lipaxquitcán chatum chatum ixlihuák quinacujcán. <sup>12</sup> Aquín tlán huanáu xlacata Quinticucán Dios n̄icxni tí acxilhnít pero para aquín ixlihuák quinacujcán l̄apaxquiyáu

m̄alakxtumiyáu ixtalacap̄astacni Dios con quintalacap̄astacnicán y chuná Dios m̄as tl̄an l̄imālacaahuānínán ixtapaxquín nac quilatamātcán. <sup>13</sup> Y xlacata m̄as tl̄an namaklhcatzijyáu Dios lama nac quinacujcán y aquín lamānáu nac ixnacú Dios huilinít Ixespíritu nac quinacujcán.

<sup>14</sup> Y chí aquín para tl̄an cm̄alulokáu xlacata Dios malakachanít Ixkahuasa y milh calakmáxtú huák cristianos xala c̄aqwilhtamacú huá litlahuayáu porque p̄ihuá quilakastapucán clicxilhnítán la quītuxtunít nac ixlatám̄. <sup>15</sup> Y n̄a chuná huák amá tí c̄anajlá y litayá xlacata Jesús Ixkahuasa Dios catzí la Dios min latamá nac ixnacú y n̄a la lamaj nahuán nac ixnacú Dios.

<sup>16</sup> Y chuná jaé quicatzinjítáu c̄anajlanjítáu xlacata Dios xlicana quincapaxquiyán. Dios acxni tú lacap̄astacnán siempre con tapaxquín y huák amá tí takalhí ixtapaxquín nac ixnacujcán m̄alakxtumínit ixtalacap̄astacni con ixtalacap̄astacni Dios, y xlá n̄a chuná. <sup>17</sup> Dios snūn lacasquín aquín namacchaniyáu lapaxquiyáu xlihuák quinacujcán xlacata acxni nacatatlahuá taxokón huák ixcamán n̄itú nakalhiyáu tú naliakatuyunáu ixlacatín. <sup>18</sup> Amá tí xlicana tamacchani taralakalhamán ch̄atum ch̄atum yaj tarajicuaní n̄i para t̄akatuyún porque acxni xlicana lapaxquiyáu yaj lá lajicuaniyáu. Huá xlacata para tí akatuyún o jicuaní Dios quītuxtú n̄i makachakxinít la paxquí y huata lacap̄astacma la ama maxokoní n̄i tl̄an tú tlahuani. <sup>19</sup> Aquín paxquiyáu Dios porque paxcatcatzinjinyáu la xlá p̄ula quincamāsinín xlicana quincapaxquín

másqui aquín ya ixpaxquiyáu.

<sup>20</sup> Para chatum cristiano huan: “Aquit cpaxquí Dios”, pero ni acxilhputún y huak lakcatzaní ixtacristiano chuta aksahuinán. Porque para tí ni tapaxahuá paxquí ixtacristiano nimá siempre lacaxilhma, ¿niculá tlán natapaxahuá y napaxquí Dios nimá nícxni acxilhnít? <sup>21</sup> Nícxni naaktzonksuayátit jaé aktum limapaksín porque pihuá Quimpuchinacán Jesús quincamacamáxquín xlacata namákantaxtiyáu nac quilatamatcán y chuné huan: “Amá tí paxquí Dios ná capáxquihl ixtacristiano.”

## 5

*Tí lipahuán Dios tlán makatlajá ni tlán talacapastacni*

<sup>1</sup> Huak amá tí tacanajlá y talipahuán xlacata huá Jesús tí milh quincalakmáxtuyán Dios calimánú ixcamán, pero ni naaktzonksuayáu xlacata tí tapaxquí Xaticú ná ixlipaxquitcán huak ixcamán. <sup>2</sup> Acxni huanáu paxquiyáu Dios y huak tlahuayáu tú quincalimapaksiyán catziyáu xlacata huak tlán amanáu capaxquiyáu ixcamán. <sup>3</sup> Xlacata tlán nahuanáu paxquiyáu Dios tamaclacasquiní natlahuayáu tú quincáhuaniyán ixlimapaksín; y ni tuhua mákantaxticán, quitaxtú caj la calipi ni tzinca tacuca. <sup>4</sup> Porque huak tí calacsacnít calimánú ixcamán tlán tamakatlajá lata tú ni tlán talacapastacni xala caquilhtamacú nimá naquincamála katzanké porque aquín tí lipahuanáu Dios quincamáxquiyán licamama natayaniyáu siempre. <sup>5</sup> ¿Ticu tlán taatalacasta y

makatlajá lata tú laclixcájnit huí caquiltamacú? Cacatzítit xlacata huata tí cənajlá y lipahuán xlacata Jesús huá Ixkahuasa Dios tlān ama makatlajanán.

*Huí tipatutu la testigo níma tamaluloka Jesús Ixkahuasa Dios*

<sup>6</sup> Quimpuchinacán Jesucristo milh nac caquiltamacú makantaxtí tú limamáqcuilh Ixticú Dios, y maclacásquilh chúchut y kalhni natamaluloka xlacata xlá tí milh quincalakmaxtuyán, ni huatiyá chúchut sino chúchut y kalhni. Y Espíritu Santo nā chuná maluloka y xlá huata huan tú xlícaña. <sup>7</sup> Entonces aquín kalhiyáu la chatutu testigo tí tamaluloka xlacata Jesús milh quincalakmaxtuyán: <sup>8</sup> ixtachihuín Espíritu Santo nac quinacujcán, amá chúchut acxni tākmúnulh y ixkalhni acxni nilh nac culus; y huák jaé la chatutu testigo acxtum talichihuínán. <sup>9</sup> Para aquín matlaniyáu tú lacchixcuhuín tamaluloka, tú tacxilhnit juú caquiltamacú xlacata xlícaña, mās tlān quincamacuaniyán namatlaniyáu tú Dios lichihuínán Ixkahuasa porque ixtachihuín Dios lihuacá snūn xtapalh acxni maluloka xlacata Jesús Ixkahuasa. <sup>10</sup> Amá tí lipahuán Ixkahuasa Dios matlaniylin nac ixnacú lata tú Dios malacnú; y para tí ni matlani lata tú malacnú limacán Dios la cəkskuhínalh porque ni cənajlaputún tú lichihuínalh Ixkahuasa. <sup>11</sup> Y huá jaé tú Dios quincamalacnuniyán xlacata quincamaxquiyán lipaxáu latámät níma amán talipaxahuayáu canicxnihuá quilhtamacú; pero huata tí ama kahí

jaé tapaxahuán nac ixlatám̄at huá amá tí lipahuán xlacata Ixkahuasa huá tí lakm̄axtunít. <sup>12</sup> Tancs cacatzítit xlacata tí m̄akachakxínít y lipahuán huata Ixkahuasa tí lakm̄axtunít kalhí amá lipaxáu latám̄at n̄im̄a m̄astá, pero n̄a cacatzítit xlacata tí n̄i m̄atlaní xlacata Ixkahuasa Dios tí nalakm̄axtú n̄i lá catikálh̄ilh jaé lipaxáu latám̄at.

<sup>13</sup> Ccätzoknaninitán jaé takalhchihuín huák huixín tí lipahuanítantit Ixkahuasa Dios xlacata tancs nam̄akachakxiyátit kalhiyátit amá lipaxáu latám̄at tú m̄alacnú.

<sup>14</sup> Huák tí aquín lipahuanáu Dios catziyáu xlacata acxni tú namaksquináu nac ixtapaxahuán xlá naquincákaxmatán. <sup>15</sup> Y como tancs catziyáu quincákaxmatmán xanita maklit nakalhtahuakaniyáu n̄a capaxahuáu xlacata tú maksquináu xlá naquincam̄axquiyán.

### *Calamaktayáu chatum chátum*

<sup>16</sup> Para tí acxila ixtacristiano tlahuama aktum talakalhín n̄ima n̄i namalaktzankení ixlistaci y maksquín camatzankénánih Dios xlá nakaxmatní y nalakm̄axtú ixlistaci. Porque huí aktum m̄as licuánit talakalhín n̄im̄a quincamalaktzankeniyán quilistacnicán que n̄i ccalimam̄acquiyán nakalhtahuakaniyátit Dios xlacata namatzankenán. <sup>17</sup> Huak tí kaxmatmakán tú limapaksinán Dios tlahuá talakalhín pero n̄i huá clichihuínán, aquit ccalitachihuínamán namá talacapastacni tú caj ch̄uta likalhkam̄anán Dios y huá limalaktzanké quilistacnicán.

<sup>18</sup> Catziyáu xlacata huák tí Dios ccalimanúnít ixcamán yaj tatluhuapulá talakalhín porque

Ixkahuasa Dios c̄amaktakalha ixlijstacnicán xlacata tlajaná n̄i lá nacāmakatlajá.

<sup>19</sup> Aquín catziyáu xlacata macamäxquinitáu quilatamatcán Dios y n̄a chuná xlacata huäk x̄amakapítzi tí talam̄ana nac c̄aqwilhtamacú tlajaná calíkalhí l̄a ixtachín.

<sup>20</sup> Y aquín n̄a tancs catziyáu xlacata Ixkahuasa Dios milh c̄aqwilhtamacú y xlá quincamäxquín taxkáket y chuna jaé namäkachakxiyáu ixtalacapastacni amá chästum xastacnán Dios, y chí mälakxtuminitáu quintalacapastacni con ixtalacapastacni y n̄a chuná con ixtalacapastacni Ixkahuasa Jesucristo. Xlá n̄a lihua Dios y huata tí mästá amá lipaxáu latámat n̄imä nalipaxahuayáu l̄ata huäk naminächá quilhtamacú.

<sup>21</sup> Litacamán, cacacuentajcántit n̄i nalakachix-cuhuiyátit namá tí n̄i lihua xlícaña midioscán. Chuná calalh, amén.

**Xasasti talaccaxlan  
New Testament in Totonac, Papantla (MX:top:Totonac,  
Papantla)**

copyright © 1979 Wycliffe Bible Translators, Inc.

Language: Totonac, Papantla

Translation by: Wycliffe Bible Translators, Inc.

Totonaco, Papantla [top], Mexico

**Copyright Information**

© 1979, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Totonac, Papantla

**© 1979, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

**xx**

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022

d7f00541-cd76-5250-8a0c-0eed9531b7c0